

#### IV. Samþykkt (nr. 112) um lágmarksaldur fiskimanna.

Allsherjarþing Alþjóðavinnuálagstofnunarinnar, sem stjórn stofnunarinnar kvaddi til setu í Genf, kom saman í 43. sinni þann 3. júní 1959 og með því að það hefur fallizt á tilteknar bendingar um lágmarksaldur fiskimanna, sem er þáttur fimmta máls á dagskrá þingsins og ákveðið að þessar bendingar skuli færðar í form alþjóðasamþykktar, samþykkti það hinn 19. júní 1959 eftirfarandi samþykkt, sem nefna má Samþykkt um lágmarksaldur fiskimanna, 1959:

##### 1. gr.

1. Í samþykkt þessari tákna orðið „fiskiskip“ hvers konar skip og báta í eigu hins opinbera eða einstaklinga, sem stunda fiskveiðar á sjó.
2. Samþykkt þessi tekur ekki til fiskveiða í höfnum og ármynnum né til manna, sem veiða sér til gamans eða hressingar.

##### 2. gr.

1. Eigi má láta börn innan fimmtán ára aldurs vinna á fiskiskipum.
2. Slík börn geta þó öðru hverju tekið þátt í störfum á fiskiskipi í skólaleyfum, enda séu störf þau, sem þau vinna,
  - a. ekki skaðleg heilsu þeirra eða eðlilegum þroska,
  - b. ekki með þeim hætti að þau hamli skólagöngu þeirra, og
  - c. ekki unnin í ágóðaskyni.
3. Enn fremur má þó með lögum eða reglugerðum kveða á um að gefa megi út til handa börnum, sem orðin eru 14 ára, leyfi til þess að vinna í þeim tilfellum, sem skólayfirvöld eða önnur þar til bær stjórnarvöld, sem tiltekin eru í slíkum lögum eða reglugerðum, eru þess fullviss að slík vinna sé barninu til góðs, með fullu tilliti til heilsu og líkamlegs ástands barnsins og hagsbóta þess af fyrirhuguðu starfi í nútíð og framtíð.

##### 3. gr.

Eigi má láta unglinga innan 18 ára aldurs vinna sem kyndara eða kolamokara á fiskiskipum, sem brenna kolum.

##### 4. gr.

Ákæði 2. og 3. greinar taka ekki til vinnu barna á skólaskipum eða æfingaskipum, enda sé slík vinna samþykkt af hlutaðeigandi stjórnvaldi og undir eftirliti þess.

##### 5. gr.

Formlegar fullgildingar á samþykkt þessari skal senda framkvæmdastjóra Alþjóðavinnuálagstofnunar til skrásetningar.

##### 6. gr.

1. Þessi samþykkt skal einungis bindandi fyrir þau ríki, sem hafa látið framkvæmdastjórann skrá fullgildingar sínar.
2. Hún gengur í gildi tólf mánuðum eftir að fullgildingar tveggja aðildarríkja hafa verið skráðar hjá framkvæmdastjóranum.
3. Síðan gengur þessi samþykkt í gildi, að því er snertir hvert aðildarríki, tólf mánuðum eftir að fullgilding þess hefur verið skráð.

##### 7. gr.

1. Aðildarríki, sem fullgilt hefur samþykkt þessa, getur sagt henni upp að tíu árum liðnum frá fyrstu gildistöku hennar. Tilkynningu um uppsögn skal senda framkvæmdastjóra Alþjóðavinnuálagstofnunar til skrásetningar. Slík uppsögn öðlast ekki gildi fyrr en ár er liðið frá skráningardegi hennar.

2. Hvert það aðildarríki, sem fullgilt hefur þessa samþykkt, en notfærir sér ekki innan árs frá lokum tíu ára tímabilsins, sem um getur í fyrri tölulið, rétt þann til uppsagnar, sem kveðið er á um í þessari grein, skal bundið af henni í annað tíu ára tímabil og síðan getur það sagt þessari samþykkt upp að liðnu hverju tíu ára tímabili í samræmi við ákvæði þessarar greinar.

## 8. gr.

1. Framkvæmdastjóri Alþjóðavinnuáskrifstofunnar skal tilkynna öllum aðildarríkjum Alþjóðavinnuáskrifstofunnar skráningu allra fullgildinga og uppsagna, sem aðildarríki stofnunarinnar hafa sent honum.
2. Þegar framkvæmdastjórinn tilkynnir aðildarríkjum stofnunarinnar skrásetningu annarrar fullgildingarinnar, sem honum berst, skal hann vekja athygli þeirra á, hvaða dag samþykktin gangi í gildi.

## 9. gr.

Framkvæmdastjóri Alþjóðavinnuáskrifstofunnar skal senda aðalritara Sameinuðu þjóðanna til skrásetningar samkvæmt 102. grein sáttmála Sameinuðu þjóðanna, allar upplýsingar um fullgildingar og uppsagnir, sem hann hefur skrásett í samræmi við ákvæði undanfarandi greina.

## 10. gr.

Þegar stjórn Alþjóðavinnuáskrifstofunnar kann að álita það nauðsynlegt, skal hún leggja fyrir allsherjarþingið skýrslu um framkvæmd þessarar samþykktar og athuga jafnframt, hvort æskilegt sé að setja á dagskrá þingsins breytingar á henni allri eða hluta hennar.

## 11. gr.

1. Ef þingið gerir nýja samþykkt, sem breytir þessari samþykkt allri eða hluta hennar, skal:
  - a. fullgilding aðildarríkis á hinni nýju samþykkt ipso jure hafa í för með sér tafarlausa uppsögn þessarar samþykktar, hvað sem ákvæðum 7. greinar hér að framan liður, ef hin nýja samþykkt öðlast gildi og þá frá þeim tíma, er það gerðist;
  - b. aðildarríkjum ekki heimilt að fullgilda þessa samþykkt eftir að hin nýja samþykkt gekk í gildi; enda sé ekki öðruvísi ákveðið í hinni nýju samþykkt.
2. Þessi samþykkt skal, hvað sem öðru liður, halda gildi sínu eins og hún er að formi og efni, hvað snertir þau aðildarríki, sem hafa fullgilt hana en ekki hina nýju samþykkt.

## 12. gr.

Hinn enski og franski texti þessarar samþykktar eru jafngildir.

### V. Samþykkt (nr. 113) um læknisskoðun fiskimanna.

Allsherjarþing Alþjóðavinnuáskrifstofunnar, sem stjórn stofnunarinnar kvaddi til setu í Genf, kom saman í 43. sinni þann 3. júní 1959 og með því að það hefur fallizt á tilteknar bendingar um læknisskoðun fiskimanna, sem er þáttur fimmta máls á dagskrá þingsins, og ákveðið að þessar bendingar skuli færðar í form alþjóðasamþykktar, samþykkti það hinn 19. júní 1959 eftirfarandi samþykkt, sem vitna má til sem Samþykktar um læknisskoðun fiskimanna, 1959.

## 1. gr.

1. Í samþykkt þessari tákna orðið „fiskiskip“ hvers konar skip og báta í eigu hins opinbera eða einstaklinga, sem stunda fiskveiðar á sjó.